



partii naleraq

Nuuk, novembarip 8-t 2017.

UKA 2017/131

Qanoq iliornikkut Sarfaq Ittuup Ilulissat-niit kujammukarnermini inuit Kangaatsiaqmiut taakkulu eqqaamiui aqqusaarneqarsinnaalernissaat pillugu aaqqiisoqarsinnaanersoq apeqquteqaat aallaavigalugu oqallisissiaq.

(Inatsisartunut ilaasortaq Villy Olsvig, Inuit Ataqtigiit)

Manna tikillugu inuiaqtigiinni angallannikkut, upalungaarsimanissaq innarlernagu, pisortaniit aaqqeeriaraluernerit siunertamisut inuiaqtigiinnut,

- akikinnerulersitsinissamut tunngasuuppat,
- akulikinnerusumik angalasinnaanermut tunngasuuppat,
- nunattaluunniit karsianut – tassuunalu aamma inuiaqtigiit tamarmiulluta akileeqataaffigisartakkatsinnut tunngasuungaluarpat

iluatsinnerpaarsuusutut oqaatigineqarsinnaanngillat. Tamannalu partii naleqqamiit aallaqqaammulli milliaatiguarparput, isumaqarpugullu piffissanngortoq immitsinnut tusaanerulluta, ilaartuinersuaq qimallugu iluamik tigussaasumik aaqqisariaqalertugut. Killiffitta erloqinartup ersiutaasa ilagaat massakkut oqallissaarisup siunnersuutaata maani oqalligisineqarnera.

Taama aallarneriarluta siunnersuuteqartoq Villy Olsvig, Inuit Ataqtigiit, qujaffigerusupparput killiffiup erloqinarneranik aaqqeerusussuseqarluni qaqilerimmat.

Soorlu qulaani aallarniuteqarnitsinni tikereeripput ilaartuinersuaq qimallugu tigussaasumik aaqqisariaqalersugut.

Uani qinersivimmi ilaatigut aaqqeeriaraluernerit ilaat - kiffartuussinissamut isumaqtigiissutip qanoq inuiaqtigiinnut kinguneqarsimanera tamatta ilisimalereerunarpaput. Massakkullu qaavatigut inatsisartunut aalajangiiffisassatut Naalakkersuisut “aaqqiissutissatut” qaqitaat alla, tassalu mittarfinnik, mittarfissuarnik sanaartortitsinissaq sammileruttorparput. Tamakku ilaatigut ippassaq aningaasamut inatsisissap aappassaaneernejarnerani ernumassutigut qaqilereeratsigit, soorlu aallaqqaammulli pilersaarutitut mianersoqqussisareertugut, innersuussutiginnassuagut. Taamatuttaaq aamma eqqaaqqillarput una – mittarfiliortitsinissaq akerlerinngillarput,



partii naleraq

kingunissaajuku akit tungaatigut akiligassallu tungaatigt ernumassuteqartugut, qulaani toornerit pingasut tunngavigineqartussaammata.

Pingaarteqarluinnarpoq aalajangersaanitsinni eqqaamajuassagatsigu, tunngavigisariaqagarput, tassalu innuttaasunut atugarissaarnerulersitsiniarnitsinni, upalungaarsimaneq innarlernagu, akikinnerusumik eqaannerusumillu aaqqiisariaqaratta. Tassanilu aperisariaqaqqilerpugut, una mittarfissuarnik sanaartortitsiniarsarineq tassunga naapertuuppaa? Nammineerlutalu misissuisimanitta akissut ersarissoq nalunngereerparput – naamik tassunga siunertamut, tassalu akikinnerulersitsinermik akulikinnerulersitsinermillu siunertamut naapertuutinnittumik aaqqiinata kukkoqattaarnerit qaavatigut sulii inuiaqatigiit aningaasaqarneratigut nammakkeqqinnialerigut, tamannalu piffissaq iluatsillugu paatsoorneqarsinnaanngitsumik eqqaasitsissutigeqqillarput. Partii Naleqqamiit mittarfiliortitsinissat akerlerinngilluinnarparput, allatummi innuttaasut pisariaqartitsinerannut naapertuunnerujussuarmik siunnertuuteqartarpugut tamatta ilisimalereerunarpurput. Inuiaqatigiit aningaasaqarnerat akiliisinnaassuseqarnerat tunngavigalugu aaqqiisuteqarta, aamma massakkumut sanilliullugu amerlanerungaartunut iluaqutaasussamik akikinnerulersitsisumik tassani pingaartumik pissakinnerit (250.000,00 ataallugu akissarsiallit eqqaamassuagut nunatsinni 75% sinnermatigit).

Taama oqariartuuteqaqqaerarluta uani angallannermut pioreersumut innuttaasunut oqilisaassiniarnermik siunertalimmik siunnersuuteqartup qaqitaa paasinartorujussuuvuq. Tassami Kangaatsiaq Sarfaq Ittuup angalanermini avaqquttarpaa qanittuaraallugu. Piffissamillu malunnaatilimmik qularnanngittumillu aamma aningaasartuuteqarneruallaanngittumik Kangaatsiamiit Kangaatsiamullu angalarusuttut eqaattumik taamaasilluta angalanissaanut periarfississinnaassagatsigit soorunami tamanna tapersernartorujussuuvuq, aammalu siunertaqarnissatsinnut naapertuulluni – tassalu akikillisaanermik aammalu akulikillisaanermik, pisariillisaanermik periarfissaqarnerulersitsinermillu kinguneqartussaassammat.

Tamanna iluatsillugu aamma eqqaalarput sineriassuarput isorartoqimmat inoqarfinnik allaqarmat aamma aaqqiinissamut pisariaqartitsiunik, assersuutigalugit Qasigiannugit, Uuummannaq, Upernavik, Nanortalik, allallumi.

Inatsisartutut pisussaaffeqarnerput tassuuna aaqqissinnaassuarput, taamaattorli sulii aqqut takivoq tamakkiinnerusumik nuna tamakkerlugu aaqqiisuteqarnissatsinnut, pisussaaffeqarpugut manna



partii naleraq

tikillugu iluatsissimangisatsinnik. Tamattami angallannermut aalajangersaanigut akileraartartuusugut sumiikkaluaruttaluunniit akileeqataasarpugut, akileeqataasarnitsigullu qulaani pisussaaffeqarnerput qulakkeerniartariaqalerparput, ilaartuiniarnersuaq asuli akisunerulersitsiinnarnikoq qimallugu.

Taama siunnersuuteqartup tunngavilersuutai paasilluarlugit una oqallissaarut oqaaseqarfigaarput.

Qujanaq

Per Rosing-Petersen